

Sunday School Teachers' Manual

Rev. Khup Do Khen

INSIDE
FRONT COVER

Sunday School Teachers' Manual



**Lutheran Youth Fellowship
Genral Headquarter, MELC**

SUNDAY SCHOOL
TEACHER MANUEL
by Rev. Khup Do Khen

All rights reserved @ 2025

Copies : 200

Published by:
Lutheran Youth Fellowship
General Headquarter, MELC

Printed at
HD Computer



MANIPUR EVANGELICAL LUTHERAN CHURCH

Constituent Member Church of Evangelical Lutheran Churches In The Himalayan State

Head Office Zomi Colony, Post Box- 10, Churachandpur - 795128, Manipur India,

Regd.No.101 of 1987 Govt.of Manipur. Registered u/s FCRA vide Regn. No. 194160073[Pan No. AACAM4570A]

Office Ph: 03874235073 Cell : +91 9366204820/e-mail: melchqtrs@gmail.com Website: www.manipurlutheran.com

Ref. No.

Date :

FORWARDING

Tami Sunday School Teacher te'n azah ding ua hasa sasa a LYF Hqtrs. in ahing suokhie laibu manphatah ahi. Sil tha khat poupou Bazar a ilei chiengun, azah ding dan laibu neunou khat toh ahing kipe zel hi. Gari, fridge, washing machine leh adang dang ilei chiengun zong azah dingdan kigelna laibu tawh ahing pekhawm jel uhi.

Tuama bangin, I hattuom pawlpi in, Naupang Sunday School hileh Piching Sunday School hileh ibawl zing uhi. Khumi a Sangsyeya a pangding te'n, tami Laibu khu lei teitei a sim teitei dingin ahoi mama ding hi. Tambang laibu pen kimoh bawl mengmeng khollou ahi a, apoimawna alet seng zieha hing kibawl paupau ahi chi thei chiet vai.

Apoimaw dan pen, ilei ua isim masangun theidoh kholsih vai. Vantung a um I Pa Pasion in a Tapa tangkhat nei sun khu Sangsyeya dinga ahing sawl ahi bou hi. Nangjong Sangsyeya dinga Pasion in aguot hattuom lamkai te'n muang taha, ahing guotson uh ahi hi. Na nasepna a Hagau Siangthou panpina natan theina dinga tami Laibuneu hing kibawl khie ahi a, nasim utlou a, nazah utsih leh, na nasep khu Pasion in nangsanga migin umzaw khat ape kha dinga, na nua mukia nonsih kha ding hi. Tami laibu tungtawn a mite a dinga THUPHA pesawntu hithei dingin Mangpan hing umpi ta hen.

The Rt. Rev. Khup Do Khen
Bishop, MELC.



MANIPUR EVANGELICAL LUTHERAN CHURCH

Constituent Member Church of Evangelical Lutheran Churches In The Himalayan State

Head Office Zomi Colony, Post Box- 10, Churachandpur - 795128, Manipur India,

Regd.No.101 of 1987 Govt.of Manipur. Registered u/s FCRA vide Regn. No. 194160073[Pan No. AACAM4570A]

Office Ph: 03874235073 Cell : +91 9366204820/e-mail: melchqtrs@gmail.com Website: www.manipur Lutheran.com

Ref. No.

Date :

LUNGDAM THU-TUT

The 16th January 2025

Ni khat ni chienga hattuom sunga lamkai muonhuoi thei dinga hing khanglien ding Tate Naaute mabaan ding khuolna jala, Lutheran Youth Fellowship, General Headquarter, Sunday School Department te'n poimaw a nasah uh, Naupang Nipi Sang a SangSie te adia, Sunday School Teachers' Manuel laibu bawlding LYF Gen. Hq, A 65th vaihawmna Nisimh 22nd January 2022 thupuahsah No 2 na a ki thuluolna bang leh, A 66th Vaihawmna thupuasah No 1 Nisimh 6th November 2022 phasahna dungjuui a laigiel dinga Rev. Khup Do Khen (Lamka Division Biel Pastor) ngansiena leh mawpuohna kipie, dungjuui in, tun in tam laibu simkhiet theiding in ang om thei taa a, lungsim, tha, leh jung tampi tah luut a laibu hing gieltu leh LYF Gen. Hqtr lamkaai liente baan ah Pasien kungah lung dam thu ka tunh hi.

Tualeh tam laaibu ka sim chiengin thupi in hoi kasa mama a, adieh in Naupang Nipi Sang Sie (Sunday School Teachers') te di'n, a manpha mama laibu ahi chi ka phuong hi.

Tam laibu pen SangSie te in hoi tah ang sim vua, tam dungjuui a tate naaute thu leh laa anghil uh leh lamdang tah in I namsung leh Jesu Hattuom sungah kikhel lamdanna leh khangsawnte dingin guoljawlna thupi tah tunh tu ang hiding ka lam en mama a, Laigiel tu leh asim ding Sang sie te Pasien in thuphaa hingpe taken, Tualeh I tate I naau te dingin jongh mit vaahna, pilna, theina kipatna laibu hing hi taken.

Lungdam.

Rev. SUONBOI TUNGDIM

Director of Ministries

I/C Youth, MELC



Lutheran Youth Fellowship

GENERAL HEADQUARTER

(Manipur Evangelical Lutheran Church)

Head Office: Zomi Colony, Churachandpur - 795 128, Post Box - 10, Manipur, India
Regd. No. 101 of 1987 Govt. of Manipur. Regd. No. 194160073 with Ministry of Home Affairs, Govt. of India.

Ref. No.:

Date:

SUIBAILAMNA

Topic	Page No.
1	laisiangthou a kibalphu kithuhilna
2	hagau Siangthou sang syea ahina
3	Bang ichi leh ojapu hoi kisuoh thei ahiei
4	Mi thuhil a pangtute Laisiangthou in pilvang dingin ang dei hi
5	ojapu in abawl dingte
6	sangnaupangte toh kisai
7	Class room sunga kithuhilna
8	Thuzilsate nua et kia na
9	Sikul naupang hoi
10	Kisahkhawlna
11	Ojapu in
12	Kithuhilna lamjangtah a apai theilouna khu
13	Jesu—Ojapu lianpen ahi

LAI SIANGTHOU A KIBULPHU KITHUHILNA

Ibieh Pa Pasion in Laisiangthou sunga kigiel akammalte khu, Ama mite kunga, Ama deidantoh kituaha, hil leh theisah a aup ding uh adei mama hi. Khumi dungzuiin, I hattuom sunga Naupang Sunday School leh Piching Sunday School a, Sang Syea a ana pang jousa, apang lel lel te leh ahing pangtou jel dingte jong, PASIAN THU hattuom mite kunga hildinga Pasion mitel te ahi uhi. Tabanga Sunday School tungtaw-na Pasion mizah hikhah pen hamphatna lien tah ahidan Sunday School Ojaputen athei chiet dingun adei huai mama hi. Tuachiin, Sunday School a Ojapu a pangkha ten jong, tam anuoia itahlat uh Pasion mizahte toh dinmun kibang ahidan uh athei uh kul le poimaw ahi hi.

1. Pasion in Amipite kunga Pasion kammal hilsawn dingin Mosi asawl hi.
"... Mangpa na Pasion un noute hildinga thu ahing pieh, thupiehte leh vaihawmna dante ahi." Danpieh. 6:1.
2. Thupilte laibu injong kithuhilna manphatdan ana uang gen mama hi.
"Mipil kungah thuhilna pe lechin, ahing pil deu deu dinga, midih hil lechin atheitam sem sem ding hi". Thupilte 9:9.
3. Ezra khu, Pasion kammalte mipite kunga hilna nei dingin, ama le ama aki pumpieh mai hi. Sawl leh gen ngai lou a ki volunteer suh mai ahi.
"Ezra in Mangpa danthute sui dingin leh, bawl dingin, tualeh, Israelte lah a adanthu guotte leh avaihawmna dante hil dingin, alungtang akisingsata hi." Ezra 7:10-11.
4. Jesu in, eitejong namchin kunga thuhil dingin thupieh ahing bawl hi.
"Tuaziehin pei unlen, namchin apat nuazui ding bawl unlen, Pa leh Tapa leh Hagusienthou min in baptis unlen..." Mathiu 28:19-20.
5. Jesu Khrist, Ama ngel ngel injong tatsat lou in Pasion kammal ahil jing hi.
"Tualeh Aman nichin in Pasion biehin ah thu ahil hi". Luk 19:47.
6. Vantunga akaltou kuan nangawn tan in Jesun thu ahil hi.
"Jesu nasep chiil akipata anasep leh a thuhil zousie ka giel ahi...van apuitou a aum ni donga thu..." Nasep.1:1-2.

7. Hattuum masa te'n jong, kithuhilna pen ana uang bawl mama uhi.
"Tualeh sawлтаhte thuhil leh kipawlkhawmna ah, phatuamngai taha thungen in a umzing uhi." Nasepte 2:42.
8. Apostle Paul in Timothy khu midangte thuhilna pesawn dingin thu apie hi.
"Theipitu tampite laha a ka thugen na zah te, mi muonhuoi midangte zong hilsawn thei dingte kungah kemsah in." 2Tim.2:2.
9. Sunday School Syea te'n, I hattuum ah THUGIN dihtah ahil ding uh ahi.
"Hinanleh nangpen in thugin dihtah toh kituoh thute genin." Tita 2:1

Kithuhilna(Teaching) kichi khu nasep thanop huaipen ahi vot sih a, hinanleh tami khu ihattuum nasepna project tuom tuom te sanga gahoi asuang pen ahijing nalai hi. Bangteng hitaleh, nang pen, tam atunga Pasion mizah igente bang bang a, I hattuoma Naupang/Piching Sunday School a Sangsyea hidinga muan taah na jieha guot leh deitel na hita hi. Tami nasepna pen, lei leh van apiengsah pa van Pasion leh nang ma ngel ngel hing piangsah pa'n, Ama lenggam kehletna dinga nasep poimaw tah sem dinga, nang ahing tel khah ahi mai hi. Mi hampaha na hi. Tam atunga amin igen khah Pasion mizahte tan bang bang nang jong atang dinga ahing dei jiehi ahi zaw hi. Hattuum lamkaite leh U-pate pahtat natan malah, minsiat-thaangsiat na bou na tang kha maithei hi. Tambang dinmuna na din khahchiengin jong, lungke vot sin. Ana nasep I Mangpa Jesu sing kross napuahpina ahi hi. Mihing mittawh akimu theilou, na kungah Sunday School neitu I Mangpa aum jing hi.

HAGAU SIANGTHOU SANG SYEA AHINA.

Mihingte sie-le-pha theina tunglam peh a um, vanlam akipat siloupi tah chini a um hi. Tami sil chinite khu Sunday School Sang Syea te'n, naupangte ahil chiengua huaisetah ahing kihal leh hing pangkha ahi ua, tuategel khu:

- Pasion Thuhing/Pasion kammal (Word of God) leh
- Hagau Siengthou (Holy Spirit) ahi hi.

Hagau Siangthou in, mihing ngaina dan a Sunday School a Sangsyeya a ijahte uh khu, ana sep uh kisuh zawhsem na ding leh ga hoitah ahing suon theina dingun, tha pie in asuhat a, apanpi hi. 1Tim.2:7; Rom.12:6-7; 1Thess.2:13.

Sunday School Ojapute tungah Hagau Siangthou in –

1. Adih leh adihlou theikhen theina ahing pie hi. 1Johan 2:20,26,27.
2. Thutah Pasion kammal in ahing kilatsahte ahing hilsawn a,tuate dungzuiin ahing pui hi. Johan 14:26; Johan 16:13.
3. Pasion thu khu THUTAH ahi chi ithei khieh ua, ipom theina dingun, ilungsim ahing hon sah hi. Johan 16:13; 1Korin. 2:12-14; Luk 24:45; 2Tim.2:7.
4. Genkhieha umsa Pasion thute ah thaneina apie hi. 1Kor.2:4.
5. Eite THUTAH ahing zuisah thei hi.Phil.2:12-13; Kol.1:29.
6. I thuhilna khu gasuong sahin asupung hi.

“Tua silte khu mihing pilna thuhilna thu a gen louin, Hagau Siengthou thuhilna khu genzawin, Hagau lam thute Hagau mite kungah hilchienin igen zel uhi.” 1Kor.2:13.

BANG ICHI LEH OJAPU HOI KISUOH THEI AHIEL.

Ojapu hoi chientenate:

Ojapu hoi hina dinga Tena leh buhna tuom tuomte khu tam anuoia te a hi.

1. Ojapu hoi kichite khu Hagau Siengthou a kinga zouzing mite ahi uhi. Naupangte ahil ding Simmun khu nivei-thumvei asim suoha, athe-ichien masa a, chingkiptaha, kisah khawlna bawling mi ahi hi.
2. Amajong zillai hijing ahidan akitheijinga, kingiemkchiehna, thunuai-lutna leh suoh hina lungput anuasie ngai vot sih hi.
3. Pasion thu bou in atungah thuneina aneisah hi.
4. Jesu Khrist khu ama ojapu ahidan atheijinga, ama jong atunga thuneite thuhilna zuithei dingin mansa leh kihongsa in a um jing hi.
5. Naupangte'n atheiloute uh adoh ngamna dingun, kihong tahleh maitai tahin aum jing hi. Naupangte thudohte khu, kamdam-awnem in ahilchien jel hi.
6. A thuhilna thutah toh kituoh in, a umdan in azui sah hi. A thuhilna a agen jousie khu a atah tah a agamat dan, khoheidan le a umdan in azui hoi ma ma hi.
7. A thuhilna nuaia um naupangte khu itna toh a kem a, thutah in a enkol jing hi.
8. Zillai naupangte leh Ojapu kikal a, ki-itna leh kideisahna a up ding a poimaw dan athei a, agel khoh mama hi.
9. Ki hilna in atup leh a ngim khu mihing khat hinkhua kihensahna ahidan athei chien hi.

Tuachiin, Ojapu hoi khu:

A hilding naupangte simmun leh subject in apilna leh theinate abelap pieh a,

Hagau Siengthou in a suthathou a, a hatsah semsem a,

Pasion kammal mite hilding khu atha nuam semsem a,

Thuhilna apieh sangnaupangte khu Pasion in ahinkhua uh ahoilam a ahenlamdang pieh na dingin muan ngamna liantah anei hi.

MI THUHIL A PANGTUTE LAISIANGTHOU IN PILVANG DINGIN ANG DEI HI.

Na thuhil ah pilvangin . . . mite thuhil apang Ojapute tungah Pasion in etchetna khautah(mipite tunga etchetna asanga khau zaw tham) abawl ding hi. Jakob 3:1.

Ojapu in abawllou dingte.

1. Pasion thutah toh kikal thei mihing tawndan leh ngaina te hil khah vot lou ding ahi. Matt. 15:3-9.
2. Pasion thutah toh kituohlou gindan dihloute hil sin. 1Tim.1:3; 1Tim. 6:3.
3. Kinielna piengsah thei dohna leh dawnna te ah lunglut sin. 1Tim. 6:4.
4. Pasion thutah kisai koima toh kinielna leh kahauna nei sin. 2Tim.2:14.
5. Pasion thu pangloua kimoh houlimna te leh thu naman lou gente lah ah pang sin. 2Tim. 2:16.
6. Kinielna thanguai leh mot huai te ah pang sin. 2Tim.2:23; Titus 3:9.
7. Pasion thu nazui na ah kizumpi mal mal sin. 2Tim.1:8; Rom. 1:16.
8. Pasion thu heikawi sin, sudau sin, misolna dingin jong jang sin. 2Kor.4:2.
9. Metna leh punna dihlou thuhilna nei sin. Titus 1:11.
10. Pasion thutah kisamkai khalou Khanglui tangthu leh thubul-bal neiloute ah kikum sin. 1Tim.4:7.
11. Na thuhilna nuoi a um naupangte toh kihau sin. 2Tim.2:24.

OJAPU IN ABAWL DINGTE

- Kepdan leh tuhdan siamtahin Pasion thu khu kemit inlen tudet tinten in. Mualphou ngam in. Zum vot sin. Gospel khu niehbanglou leh genbanglou a kep ding ahi. 2Tim.2:15; 1Tim.6:14.
- Naupangte kunga na gen leh na hil thute nangma ma in theichien masa in. 1Tim.1:7.
- Na thugen leh thuhilna te toh na umdan kituoh sah inlen na kalsuan kilawm sah in. 1Tim.4:16.
- Ginna leh itna toh kithua asiengthou Thugin dettah pansan inlen zui in. 2Tim.1:13; Titus 2:1.
- Ojapu khat nahi ziehin, Pasion in ahing muanga, thutah ahing kepsahte khu kemit in. 2Tim.1:14. (kinielna, kimudana, kihauna leh kisi-at-kibal theina thute gendoh lou di).
- Sunday School naupangte na hiltheina dinga dinmun leh theina Pasion in ahing pieh khu zahdan siam in. 1Tim.4:14.
- Pilvang tahleh lungduai tahin na naupangte asimimun uh hil inlen theisiam sah in. 2Tim.4:2.
- Ojapu hoi in, athuhilna ah agin umna leh achitahna asulanga, akam ham jong anem hi. Titus 2:7-8.
- Ginna thutah kemit jingin len hasuo mal mal sin. Juda3.
- Kithuhilna dihloute sudih in len langpan ngam in. Titus 1:12,13.
- Thuneina toh hanthawn inlen, adihloute phohthop ngam in. Kidiem vot sin. Hat tah leh hang tahin pang in. Titus 2:15.
- Lungsim chingkam leh nunnem in um in. Gindan dihlou aup leh oldamtahin hil inlen kinielpi sin. 2Tim.2: 24,25.
- Pasion thutah theipum in Hagau lam ah kalsuon in. Pasion thutah kalsuanpate leh athuzuite hinkhua khu pellou in ahing kiheng ding hi. 1Tim.4:6.

SANGNAUPANGTE TOH KISAI

Tuni a nazilsah ding simmun leh athupi/ a topic ah naupangte thanuam sahin len athei utna uh lungsim thathou sah in.

Ojapu in:

- Sunday School a simmun dingpen nivei, thumvei ana simsuoh masah ding ahi. Khumi simmun mama khu thanop huai leh thei ut huai ahidan akilat sah ding ahi.
- Naupangte thanopna leh lunglutna suse ding leh alung kieh theina ding uh, kamham leh umdan kiveng jing in. (dohna, dawnna, ki kup-khawmna, mimal kikum kupna leh gen leh sah ngai silte jousie). Ojapu nahina zieha na kunga subject toh kisai hi in, kisailou hitaleh, thu ahing kidoh khah chiengin, Oja khat hina toh kizuia na thuneina khu, naupangte nuainet na leh, lungtang kulthuha kisuangla den a aup theina ding uh kam mal jang vot sin.
- Khumi simmun poimawna leh phattuumnate khu damsunga kep ding leh zuiding a hidan genpi tei tei in.
- Tam kithuhilna a, naupangte jong kihong taha, pan ahing lah theina dingun, umdan siam in len, nang mai mai in, thuzousie gen bei som sin. Ama uh jong chance pen zel in.

Laisiangthou Pansan Etsahna:

1. Anuazuite suhthanop a ahing umtheina dingun Jesun thu ahil hi. Luk 19:48; Luk 4:36-37.
2. Paul thuhilna in angaikhie mite alunglut sah mama hi. Nasep. 17:32.
3. "PIANTHANA" thu khu Nikodemus kungah Jesu in hoitah nou in ahilchien hi. (Johan 3:3-6). Nangjong na sangnaupangte kungah a simmun uh hilchien thei in.
4. Jesu in TEMPLE achi chiengin akoh atuam ahi a, Juda ten temple achi chiengun akoh atuom jel hi. Johan 2:18-21.

CLASS ROOM SUNGA KITHUHILNA

1. Naupang neute lah a thuhilna nei na hileh room sung control siem sawm in.
2. Naupangte sulung thah sin.
3. Naupangte ama uh leh ama uh a, lungsim lunggel akineithei nading uh thu hil in.
4. Naupangte khu mailam hun a, silloupitah tahte suikhetu le mukhe tute leh milian milal, thunei leh vaihawm, leh officer lian tah tah hing hidingte ahidan uh theisahin.
5. Thudohna – bangchi e, bangzieh e chite a thudoh chien dan jong theisah in.

Laisiangthou sung etsahna te:

- Thutah theilou a phamawte, Pharisaite kunga athei sah theina ding in, Jesu'n, Ama tahsa ngel in Pharisaite ahoupia, lungsim-lunggel thuhtah anei theina dingun, thu ahil hi. Mak 12:13-17.
- Jesu in Peter khu, thutah phuankhiehna toh kisai a, Jesu koi ahi mong ei chi agenkhieh theina dingin thudohna abawl hi. Matt. 16:13-17.

THUZILSATE NUA ET KIA NA

1. Tomkim tahn na simmun nukhie pen uh, nua etna leh genna nei kia in. Tuachiin, naupangte khu'n, na zil nukhie pen uh leh tuni a nazil ding uh simmun khu ahing pemat thei ding uhi.
2. Naupangte jong ama uh leh ama ua a, thuzilsate nuaetkiana nei dingin thu hil in.
3. A thuzilsate uh leh Ojapu in athuhilna te khu practical tah zui dingin naupangte hanthawn inlen tha pie in.

Laisiangthoua etsahnate:

- I Mangpa Jesu leh Pa Pasion pen atuom tuom hilou a, khat ahidan Jesun Philip kungah anua gen kia kia hi. Johan 14:7-11.
- Johan in thukumhui ana kihilsate leh thutah-thutha kihilte khu kijopmat sahdan siam dingin ahil hi. 1Johan 2:7-11.
- Mangpa Ansieng ibawl zel zel uh jong khu, Jesu Khrist thutah ahina inua et kia zel zel na uh ahi hi. 1Kor.11:23-26.

SIKUL NAUPANG HOI

1. Tulai khovel hindan ah khanloh hunta hi chi thei in.
2. Thei utna lungsim toh zil in.
3. Ojapute zahtat in.
4. Na theisate apatsa na theiloute hingtheisah dinga Pasion guot ahi.
5. Thu hing kihilte zuithei dingin lungsim kikheltheina nei in.
6. Ahing kithuhilna, na simmun ah lunglut in.
7. Ahing kithuhilnate ah na lungsim-lunggel nga inlen, ngaisut pipen in nei inlen, thuohatna nei in.
8. Lungsim kihong tahleh maitai tah in um in.
9. Theina giltah leh lunggelsiamna hingpe dingin Hagau Siangthou ah kinga in.
10. Ahoilou apatsa ahoizaw leh ahoizaw apatsa ahoizawsema hingkhua hing kikhelsah thei khu zilna dihtah ahi.

Laisiangthou sunga etsahnate:

- Jesun anuazuite Pasion thugen ding leh Pasion nasem dingin a sawl khie hi. Luk 9:1-6.
- I thuzilte khu atah semsuo leh zui dingin Hebrute in ahing hil hi. Hebrew 5:14.

KISAHKHWLNA

Tuni a na simmun ding uh pen, na class nukhiepen hun lai ua, a simmun in ahuamkhah asunga thu umteng, apeidan tangpi na hilkhawlsa ahi ding ahi. Tuabanga naupangten, sil umdingdan tangpi theisa uh ana hitahziehin, bukim zaw a theitupna toh tuni a school hing kai uh ahi hi.

Na class top chiengun:

1. Nipini kia chienga na simmun ding uh leh khumi simmun in atuun khah thu umdan tamlou hil in. A kia chienga simmun ding ngai utna neisah in.
2. Naupangte ngaisutna suthathou theiding dohnate bawl in.
3. Nipini kia chienga na simmun ding uh, Naupangten innlanga ana simding un Home Assignment pie in.
4. Khumi simmuna ngaisutna hingpethei, mi lungsim hengthei leh hinkhua bawltha thei thu um ahidan thei sah in.
5. Nipini kia chienga, simmun ding Ojaputen agen kal uh ngahla theidingin naupangte umsahin.

Laisiangthou sunga etsahnate:

- Tahsa mama a thoukia ding ahidan, anuazuiten athei thei nadingun, Jesun ahil ngut ngut hi. Johan 2:19-22.
- Misiangthou Paul in alai hah masah na pen ah, ama apeikia chienga a thuhilna aneina dinga kalbi ahidan agen hi. Eph. 3:2-5.
- Solna atuoh masangun, Paul in Christiante kisahkhawl dingdan ahil masa hi. 1Kor.10:1-13.

11

OJAPU IN

1. Anaupangte atheisuoh sieng ding ahi. A tahsa hatdan leh hatloudan uh, adamthei leh damtheilou dan uh, lungsim hatdan leh hatloudan, a hagau hinkhua uh, leh ahing kipatdohna insung uh umdan khu Ojapu in athei ding ahi.
2. Ojapu khu:
 - Tuhun sil umdante theisiam mi ahi ding ahi.
 - Khristian Thugin leh hinkhua siangthouna leh Khristian gamgi athei ding ahi.
 - I khotang hinkhua atheisiam ding ahi.
 - I gam simleivai leh chi le nam dinmun athei ding ahi.
 - Tuhun modern fashion jong athei ding ahi.
 - Damlouna te leh khamthei lou-le-ai(raja,khaini, talab,nahzial, zu,number four, kani leh adang dang) in igam azelsuohdan athei ding ahi.
 - Tuhun a latualleng, music, nopbawlna, games and sports, leh kidemna chituam tuam te jong athei ding ahi.
 - Biehna, Sakhua, Hou, leh Gindan tuom tuom te jong athei ding ahi.

Tamteng banah Ojapu in, anaupangte laisiamna lam dinmun leh Hagau lam dingmun a akhantou na uh athei ding ahi.

Laisiangthou Pansan etsahnate:

Vantunga um I Pa Pasion mitmuna a mithupi leh milian-milal ana hijing te khu tamte ahi chi in, mipiching ngen maitang tah ah, I Mangpa Jesu in **“naupang neunou khat”** ading sah hi. **Mat. 18:1-4.**

Hagau hinkhua a mi piching khat in, a lei akhoizual dingdan leh akam ham zahding dan etsahna Jacob in bangzat aheipi khat ana gen hi...sakol, tuipi tunga peina Long, mei kuang, tuisam pul, leh aga suong singkungte. **Jakob 3:1-12.**

Dansiam(lawyer) tangvalpa kungah, Jesu in, ***“Na innvengte it in”*** chi thu hilchetna abawlna ah, tahsapna liantah nei mi khat kunga, itna leh hepina iva suhlat pen khu, innvengte iitna ahi achi hi. Tuachiin, ***“Pei inlen tu-abangin nang jong vabawl in”*** achi hi. **Luk 10:25-37.**

Misiangthou Paul in, ***“I tahsa leh ipumpi”*** Pasion adingin iki pekhie hi chi ahing kilat dohna khu, ***“Manggam nasepna dinga isum piehdan ah ahi”*** ana chi hi. **2Kor.8:1-5.**

Peter in Jesu it tah tah ahidan ahing kilatdoh na dingin, Jesun asil bawlding khat akohmu hi. **Johan 21:15-23.**

KITHUHILNA LAMJANGTAH A APAI THEILOUNA KHU

1. Kisah khawlina kiningchingtah a nabawllou zieh ahi.
2. Khumi simmun a lunglut zou tahtah lou nahi zieh ahi.
3. Lungluttaha kithuhilna na neipilou zieh leh thungaikhie te na lunglutsah lou zieh ahi.
4. A simmun toh kisaikhalou thu natam gen zieh ahi.
5. Tup le ngim kichientah neilou assignment tampi napieh zieh ahi.
6. Sangnaupangte theinop leh atheisiamloute uh nahilchet theilouleh zieh ahi.
7. Theinopna leh thalopna lientah toh sangnaupangte thudohte gina tah a dawwna pelou leh thusim sah lou zieh.
8. Na theilou thu ahing kidong khate khu, “Kana theikhahlou ahi,” chin pom siam in.
9. Na thuhilna bangtaha na gamtatdan in azui lou zieh ahi. Na thugen dan leh na umdan akituoh lou jieh ahi.
10. Na nuaia zillai ahingpang na sangnaupangte tungah lunglutna leh deisahna tahtah na neilou zieh ahi.

JESU—OJAPU LIANPEN AHI

Ojapu (Teaher), “RABBI” kichi khu Jesu kichina ahideu bih a, Ama (Jesus) jong apom ahi.

- “...na Syeapa uh khat a um a, tua khu Khrist ahi ...” Matt. 23:10.
- “Nouten Kei pen Syeapa leh Mangpa na hing chi ua, na chi dih ngel uhi, ahi ma ka hi”. Johan 13:13.

I Mangpa Jesu leitunga ahing kumna zieh ahileh, Kalvari Sing Kross tunga ahing shi ding, mihingte akhelna ua patsa tatna nasep ahing sep ding (Mak 10:45), Hundampa ahing hiding ahi hi. I Mangpa Jesu leitunga ahing lenlai in, Ama nasep tampen khu, Anuazuite kung leh Mihonpite kunga Pasion thu hil ahi. Tualeh Ama khu lampi ahidan hilna anei hi. (Johan1:18).

Jesu in munchintengah Thuhilna anei hi:

- Synagogues te ah (Luk 6:6)
- Ama tungtang thu kigelna thuhunlui leh thuhuntha te apat. (Luk 24:27).
- Tempul te ah (Luk 19:47).
- Singtang Khua khat apat khuadang ah, aban ban in (Mark 6:6).

Akigen minthang vot, MUALTUNGA SERMON A BAWLNA kichi jong khu, THUHILNA ahi zaw hi. “Tuachiin, Aman akam akaah a, ama uh THU ahil a,” chi kammal toh akipan hi. (Matt. 5:2).

Tuachiin, Ojapu apangkha ten athei dinguh khat khu, PREACHERS hilou in TEACHERS ahizaw uh hi.

Jesu Thuhilna in Tup-le-ngim Nei hi.

Jesun thuhilna anei jousie in tupna le ngimna khat anei a, khum khu hinkhua kiheidanglamna ahi mai hi. Kihei danglam chipen:

- Mihingte Pasion lam a alunglutna uh.

- Mihingte ama uh mimal akimudan uh.
- Hinkhua apeitoupi sawm dan uh.
- A mihinpite uh leh Pasion tunga lunggel leh umdan anei te uh.

Jesu Thuhilnate in tup le ngim anei a, khumte in mihingte khu:

- Pasion tate hisah ding. Johan 1:12-13.
- Pasion thu a khang ding leh theitam semsem ding. Johan 17:3.
- Hinkhua khu Pasion deina banga peipi tou. Johan 10:10
- Jesu thu mang ding leh athuhilnate zui ding. Johan 14:23.
- Itna zieha midangte toh kithua thei ding. Johan 15:12
- Pasion adinga ga suong ding. Johan 15:8.
- Amangkuan leitunga Jesu Khrist techi pang ding. Johan 15:27; 17:20.

Jesun thu ahil mite khu Ama (Jesu) toh kibang dingin adei hi. Matt. 10:24-25.

Tam atunga Jesu Thuhilna in atup le a ngim khu, nangma tup le ngim hisah in len, Pasion panpina toh, na sangnaupangte khun, Jesu Khrist bahna, Jesu Khrist sutna ahing neitheina dingun, thum gige in.

Sunday School Ojapu devotion kai ngailou, Thungetna nei ngailou, Lai-siangthou sim ngailou, Pasion phatna laa sa ngailou, maigum zing mai, a awsuoh leh kamham mong mong a khaat a khaa thei, koima bil a thawlou, itna, hepina, lainatna, kiniamkchiehna, thuohzawna, nunnemna, chitahna leh adang dang neiloute khu Sunday School Sang Syea ahipum pum a, melmapa Setan vanzah leh sawltah muanhuai ahi uhi.



INSIDE
BACK COVER

BACK COVER